



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. LXXXVI. De Conflictu in Pocarwis, ubi multi Christiani sunt occisi.

urn:nbn:de:hbz:466:1-11850

fuerat, comprehenderunt, & collum eius sub duobus asseribus compresserunt, quousque deficiens exspiraret, asserentes, quod tale genus Martyrii competeret Viris sanctis, quorum sanguinem effundere non audent.

CAP. LXXXVI.

De

Conflictu in Pocarwis, ubi multi Christiani sunt occisi.

Anno Domini MCCLXI. volante fama persecutionis huiusmodi per Almanniam commoti sunt Principes & Barones. Unde Dominus de Reyder & multi Nobiles de aliis Teutonicæ partibus compatientes fidei & fidelibus, quod novella plantatio Ecclesiæ in partibus Pruschia per multorum fidelium sanguinis effusionem erecta, deberet tam miserabiliter interire, venerunt dictæ terræ in subsidium. Cum quibus fratres & eorum armigeri intraverunt terram Natangia, & de vastatâ ipsâ incendio & rapinâ, captis & occisis multis, redierunt ad eum locum, ubi nunc situm est Castrum Brandenburg, ibique Castra metati sunt. Placuitque fratribus & peregrinis, ut aliqua pars exercitus rediret in dictam terram iterum depopulandum relicta aliâ parte in dicto loco. Quo facto Nactangi considerantes, quod pauci non audent ipsorum terram depradari, congregati invaserunt residuam partem Exercitus in Pocarvviz, peregrinis & Fratribus ex adverso viriliter se opponentibus, & præcipue quidam miles de

Anno Domini
 MCCLXI. Urbanus
 Papa IV. instituit
 festum Corporis
 Christi, quod post
 ea Vienna à Cle-
 mente Papa V. in
 Concilio Generali
 An. MCCCX. confir-
 matum fuit.

West-

Poppo de Osterna VI. Mag. Gener. Ord. Teutonici.

Hartmannus de Grunbach V. Mag. Provincialis in Prussia.

Westphalia dictus (a) Stenkel de Bentheim, qui audierat in quodam sermone Episcopi, quod animæ fidelium interfectorum in Pruschia deberent ad cælum sine omni purgatorio volare, hic perurgens (b) dextrarium suum calcaribus, applicatâque lanceâ, more militari pertransit hostium Cuneos interficiens impios à dextris, à sinistris, & cadebant ab eo huc & illuc. Sed in reditu, dum venisset ad medium ipsorum, occisus est, ortumque est inter eos grave bellum ex utraque parte, pluribus vulneratis lethaliter & occisis. Tandem sicut DEO placuit ita factum est, quod ipse Dominus de Reyder cum magna parte Exercitus & fratribus, qui cum eo fuerant, est occisus, quidam capti, in fugam cæteri sunt conversi. Dum hæc agerentur, fratres cum alia parte exercitus dum appropinquantes loco certaminis viderunt Exercitum Christianorum confusum, nec possent præ multitudine hostium liberare, per viam aliam ad propria sunt reversi. Post hanc eadem Nattangi volentes victimam Diis offerre miserunt sortem inter Teutonicos ibi captos, ceciditque duabus vicibus super quendam Burgensem de Megdenburg, Nobilem & divitem, dictum *Hirshals*/ qui sic in angustia constitutus, Henricum Monte rogavit, ut ad memoriam reduceret beneficia, quæ ipsi in Civitate Megdeburg sæpius exhibuit, & eum ab hac miseria liberaret, quo audito Henricus eidem compatiens, ipsum duabus vicibus liberavit. Sed dum tertio missa fors caderet iterum super eum, noluit redimi, sed sponte offerens se in bona confessione hostiam DEO, ligatus super equum suum, est Crematus: Nota hic quod idem Henricus & plures alii sub Juramento suo postea affirmabant, quod cum idem Burgensis in equo crematus emitteret spiritum, viderunt ex ore ipsius columbam albissimam exolantem.

Bb

ANI-

ANIMADVERSIONES.

- (a) Chron. Germ. in 4. M.S. habet Schenckel von Benheim. Forfan legendum est Etenkel von Bentheim/ quæ conjectura est Nobilissimi Dn. Zamelii.
- (b) de dextrariis vide quæ notavimus ad cap. 102.

CAP. LXXXVII.

De

Prænosticis hujus Belli.

Fuit in partibus Almanniæ quædam vitæ Sanctæ mulier in quodam (a) reclusorio, quæ audiens dæmonum multitudinem cum magno strepitu & fragore præcedere cellam suam, adjurans ipsos quæsiuit, quo tenderent, qui dixerunt: Versus Pruschiam. Ibi cras erit grande bellum. Respondit ipsa, dum redieritis renunciate mihi, quid ibi sit actum. Qui reversi dixerunt, quod Christiani perdidissent victoriam & quod omnes animæ quarum corpora ibi occisa fuerunt essent salvatæ, præter tres, quæ non devotionis tantum sed exercendi malitiam suam venerunt ad hoc bellum.

ANIMADVERSIO.

- (a) Supra cap. 82. nominat inclusorium.

CAP. LXXXIIX.

De

Morte plurium Peregrinorum.

Eodem anno Comes de Barbye venit in Prussiam cum multâ militiâ, & intravit terram Sambiæ: post cujus depopulationem Sambitæ congregati invaserunt eum in die B. Agnetis Virginis